



Inatsisartunui Ilaasortaq  
Jens B. Frederiksen  
Demokraatit

**§ 37 naapertorlugu apeqqummut 2013-160  
Angerlarsimaffeqanngitsut kiisalu inisseeqqittarfissaq  
akissuteqaat**

Asasara Jens

13-09-2013  
Sags nr. 2013-088687  
Dok. nr. 1334540

Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: iaan@nanoq.gl  
www.nanoq.gl

Aallarniutigalugu apeqqutinut saqqummiussannut qujavunga.

**1. Malunnarpoq Namminersorlutik Oqartussat Kommuneqarfik  
Sermersoorlu angerlarsimaffeqanngitsut unnuiffissaqanngitsut  
unnuiffissaqalersinnissaat suleqatigiissutigigaat. Taanna suliaq  
sumut killippa?**

AKISSUT: Kommunip aamma Namminersorlutik Oqartussat atorfilittaasa akornanni arlalinnik paasitseqatigiiffiusunik ataatsimiittoqartareerpoq.

**2. Akunnittarfimmik unnuisarfiliornissamut pilersaarut suliamut  
ingerlanneqartumut ilaava aamma taamaattoqarsimappat, taava  
Naalakkersuisut qanoq takorloorpaat tamatuma ingerlanissaa?**

AKISSUT: Angerlarsimaffeqanngitsunut unnuisitsisarfik maannakkut atorneqartoq qanittukkut matusussaasoq/atorunnaarsinneqartussaasoq kommunimit ilisimatitsissutigineqarpoq, taamaattumillu kommunip angerlarsimaffeqanngitsunut unnuisarfutissaanik, kommunimit akisussaaffigineqartumik ingerlanneqartumillu siunissamut qulakkeerinissaq eqqarsaatigalugu attanneqarsinnaasumillu aaqqiissuteqarnissaq kommunimut pisariaqarpoq.

**3. Naalakkersuisut siuliisa aallartissimasaat Nuummi  
inisseeqqittarfiliornissamut pilersaarut sumut killippa?**

AKISSUT: Nunaminertanut sanaartornermilu teknikkimut tunngasut kommunimut oqaloqatigiissutigineqarnerisa peqatigisaanik pilersaarusiorneq ingerlanneqarpoq.

**4. Inisseeqqittarfik qanoq atorneqassava? Attartortut anisitat  
inisseeqqinneqarnerinut atorneqassava imaluunniit Ineqarnermut**

**Naalackersuisup apequtinnut nr. 136/2013-imut akissummini uannut ilisimatitsineratut angerlarsimaffeqanngitsut unnuisarfittut atorpeqassava?**

AKISSUT: Erseqqissaatigissavara, apequtinnut nr. 136/2013-imut akissutigisanni inisseeqqittarfik angerlarsimaffeqanngitsunut unnuisarfittut atorpeqassasoq oqannginna. Inisseeqqittarfik pingaartumik attartortunut, attartukkaminnit anisitaasimasunut inisseeqqittarfittut atorpeqartussaavoq.

**5. Inisseeqqittarfik attartortunut ulorianartorsiortunut atorpeqassappat, Naalackersuisut qinnuigaakka siusinnerusukkut apequtigisimasannut akissutertik itisilissagaat:**  
***Naalackersuisoqatigiit neriorsuutiginikuuat sualummik Nuummi angerlarsimaffeqanngitsunut tunngasut iluarsiniarlugit. Tassunga tunngatillugu Naalackersuisut qanoq iliorniarpat, aningaasat illuliornermut iluarsaassinernullu Nuummut atugassiissutit ikilineqassappata paarlattuanillu nunaqarfinni avinngarusimasunilu amerlillugit taamaalisoqarpammi Nuummi angerlarsimaffeqanngitsut amerlinissaat naatsorsuutigisariaqarmat?***

AKISSUT: Siulliup tullia mattuttariaqanngilaa. Assersuutigalugu ilisimatitsissutigisinnaavara Kommuneqarfik Sermersooq pisortat inissiaataannik attartortittakkanik, sanaartornermut Namminersorlutik Oqartussat tapiiffigisaannik sanaartornissaq annertuumik pilersaarutigimmassuk. AIS 2014-imi ukiunilu tulliuttuni pisortat inissiaataannik attartortittakkanik 175-inik Nuummi sananissaq kommunip pilersaarutigaa. Tulliullugu erseqqissaatigissavara, angerlarsimaffeqanngitsunut inissiamik tunniussisarneq tamatigut naammattanngimmat, angerlarsimaffeqanngitsut amerlanertigut inissiamik neqeroorfigineqarnermik saniatigut iluarsiniartariaqartunik suliarisariaqartunillu isumaginninnikkut ajornartorsiuteqartarmata. Tamanna pinngippat angerlarsimaffeqanngitsutut inisseqqittoqarsinnaammat.

Inussiarnersumik inuulluaqqusillunga  
Med venlig hilsen

Mette Lyngge